



勝宗十句義論一卷

勝者慧月造

三藏法師玄奘奉詔譯

有十句義一者實二者德三者業四者同五者異六者和合七者能八者无能九者俱分十者無說

實句義云何謂九種實名實句義何者為九一地二水三火四風五空六時七方八我九意是為九實地云何謂有色味香觸是為地水火云何謂有色觸是為火風云何謂唯有觸是為風空云何謂唯有聲是為空時云何謂是彼此俱不俱遲速詮緣因是為時方云何謂是東南西北等詮緣因是為方我云何謂是覺樂苦欲瞋動勇行法非法等和合因緣起智為相是為我意云何謂是覺樂苦欲瞋動勇法非法行不和合因緣起智為相是為意

德句義云何謂二十四德名德句義何者名為二十四德一色二味三香

四觸五數六量七別體八合九離十彼體十一此體十二覺十三樂十四苦十五欲十六瞋十七勤勇十八重體十九液體二十潤二十一行二十二法二十三非法二十四聲如是為二十四德色云何謂唯眼所取一依名色味香云何謂唯鼻所取一依名香觸云何謂唯皮所取一依名觸數云何謂一切實和合一非一實等詮緣因一體等名數量云何謂微體大體短體長體圓體等名量微體者謂以二微果為和合因緣二體所生一實微詮緣因是名短體長體者謂因多體長體積集老別所生三微果等和合一實大詮緣因是名大體短體者謂以二微果為和合因緣二體所生一實短詮緣因是名短體長體者謂因多體長體積集老別所生三微果等和合一實長詮緣因是名長體圓體者有二種一極微二極大極微者謂極微所有和合一實極微詮緣因是名極微極大者謂空時方我實和合一

勝宗十句義論一卷 第三張書字

實極大詮緣因亦名通行等是名極大別體云何謂一切實和合一非一實別詮緣因一別體等是名別體合云何謂二不至至時名合此有三種一隨一業生二俱業生三合生隨一業生者謂從有動作无動作而生俱業生者謂從二動有動作生合生者謂無動作多實生時與空等合離云何謂從二至不至名離此有三種一隨一業生二俱業生三離生此中隨一業生及俱業生如前合說離生者謂已造果實由餘因離待果實壞與空等離彼體云何謂屬一時等速覺所待一實所生彼詮緣因是名彼體此體云何謂屬一時等近覺所待一實所生此詮緣因是名此體覺云何謂悟一切境此有二種一現量二比量現量者於至實色等根等和合時有了相生是名現量比量者此有二種一見同故比二不見同故比見同故比者謂見相故待相所相相屬合故我意合故於不見所相境有智生是名見同故；不見同故比者謂見因果相

勝宗十句義論一卷 第四張書字

屬一義和合相違故待彼相屬念故我意合故於彼畢竟不現見境所有智生是名不見同故比樂云何謂一實我德適悅自性名樂苦云何謂一實我德逼惱自性名苦欲云何謂一實我和合希求色等名欲瞋云何謂一實我和合損害色等名瞋勤勇云何謂一實我和合待欲瞋我意合所生策勵是名勤勇重體云何謂地水實和合一實墜墮之因是名重體液之因是名液體潤云何謂水實和合一實地等攝因名潤行云何此有二種一念因二作因念因者謂我和合一實現比智行所生數習老別是名念因作因者謂攢擲等生業所生依附一實有質導實所有勢用是名作因行謂勢用法云何此有二種一能轉二能還轉者謂可愛身等樂因我和合一實與果相違是名能轉能還者謂離染緣正智喜因我和合一實與果相違是名能還非法云何謂不可愛身等苦邪智因我和合一實

勝宗十句義論一卷 第五張書字

與果相違是名非法聲云何謂唯耳所取一依名聲業句義云何謂五種業名業句義何者為五一取業二捨業三屈業四申業五行業取業云何謂上下方分虛空等處極微等合離因依一實名取業捨業云何謂上下方分虛空等處極微等離合因依一實名捨業屈業云何謂於大長實依附一實近處有合速近處離合因是名屈業申業云何謂於大長實依附一實近處有離速近處合離因是名申業行業云何謂一切質身實和合依一實合離因名行業同句義云何謂有性何者為有性謂與一切實德業句義和合一切根所取於實德業有詮智因是謂有性異句義云何謂常於實轉依一實是遮彼覺因及表此覺因名異句義和合句義云何謂令實等不離相屬此詮智因又性是一名和合句義有能句義云何謂實德業和合共或非一造各自果決定所須如是名為有能句義

无能句義云何謂實德業和合共或
非一不造餘果決定所須如是名為
无能句義

俱分句義云何謂實性德性業性及
彼一義和合地性色性取性等如是
名為俱分句義

實性者謂一切實和合於一切實實
說緣因於德業不轉眼觸所取是名
實性德性者謂一切德和合於一切
德德詮緣因於實業不轉一切根所
取是名德性業性者謂一切業和合
於一切業業詮緣因於實德不轉眼
觸所取是名業性地性等亦如是
无說句義云何謂五種無名无說句
義何者為五一未生无二已滅無三
更无无四不會无五畢竟無是謂五
无未生无者謂實德業因緣不會猶
未得生名未生無已滅无者謂實德
業或因勢盡或違緣生雖生而壞名
已滅无更无无者謂諸實等彼此无
无名更无無不會无者謂有性實等
隨於是處无合无和合名不會无畢
竟无者謂无因故三時不生畢竟不

起名畢竟无

如是九實幾有動作幾无動作五有
動作謂地水火風意四无動作謂此
餘實如有動作无動作有質身无質
身有勢用无勢用有彼此體无彼此
體應知亦尔如是九實幾有德幾无
德一切皆有德无无德實如一切皆
有德和合因緣有實性有異與果不
相違有待因亦尔如是九實幾有觸
幾无觸四有觸謂地水火風五無觸
謂餘實如有觸无觸能造實實德業
因共不共亦尔如是九實幾有色幾
无色三有色謂地水火六無色謂餘
實如有色无色有可見無可見有對
眼无對眼亦尔如是九實五常四分
別謂此四中非所造者常所造者无
常如常无常有實无實有細分无細
分因不相違非因不相違非邊有異
邊有異不圓圓亦尔如是九實五根
四非根何者為五謂地水火風空是
根如是五根鼻根即地味根即水眼
根即火皮根即風耳根即空如是九
實地由幾德說名有德謂由十四何

者十四一色二味三香四觸五數六
量七別體八合九離十彼體十一此
體十二重體十三液體十四行水由
幾德說名有德謂由十四何者十
四一色二味三觸四數五量六別體
七合八離九彼體十此體十一重體
十二液體十三潤十四行火由幾德
說名有德謂由十一何者十一一色
二觸三數四量五別體六合七離八
彼體九此體十液體十一行風由幾
德說名有德謂由九何者九一數二
量三別體四合五離六彼體七此體
八觸九行空由幾德說名有德謂由
六何者六一數二量三別體四合五
離六聲時由幾德說名有德謂由五
何者五一數二量三別體四合五離
如時方亦尔我由幾德說名有德謂
由十四何者十四一數二量三別體
四合五離六覺七樂八苦九欲十瞋
十一勤勇十二法十三非法十四行
意由幾德說名有德謂由八何者八
一數二量三別體四合五離六彼體
七此體八行

勝宗十句義論一卷 第九張 數字字

如是色等二十四德幾是現境幾非現境色味香觸或是現境或非現境云何現境謂若依附大非一實是名現境云何非現境謂若依附極微及二極微果名非現境聲一切是現境如色味香觸數量別體合離彼體此體液體潤重體勢用亦亦覺樂苦欲瞋勤勇是我現境法非法行唯非現境此諸德中幾是所作幾非所作覺樂苦欲瞋勤勇法非法行離彼體此體聲唯是所作餘或所作或非所作色味香觸若地所有皆是所作色味觸液體潤極微和合者非所作二微果等和合者是所作重體亦亦如非所作是所作常无常亦如是如水所有火所有色觸風所有觸亦亦地火所有液體一切是所作一數二別體隨所作非所作實和合成所作非所作二體等數二等別體一切是所作大體微體短體長體一切是所作圓體一切非所作諸質身及質身非質身合是所作如所作非所作常无常亦如是此諸德中聲觸色味香各一

勝宗十句義論一卷 第十張 數字

根所取數量別體合離彼體此體液體潤勢用眼觸所取如是諸德誰何為因色味香觸同類為因者謂二微果等和合火合為因者謂地所有諸極微色味香觸地及火所有液體地水所有重體及水所有液體潤二微果等和合同類為因一數一別體二微體等別體同類不同類為因一體別體彼覺為因大體長體因多體大體長體積集老別為因微體短體因二體為因合離隨一業俱業合離為因彼體此體一等時相屬待遠近覺為因智有二種謂現及比現有四種一猶豫智二審決智三邪智四正智猶豫智以何為因非一同法現量為先待各別異念我意和合為因為何物智名猶豫智審決智以何為因猶豫智為先待各別異印我意和合為因定是此智名審決智邪智以何為因非一同法現量為先待各別異見我意和合為因緣決斷智是名邪智正智以何為因非一同法現量為先待

勝宗十句義論一卷 第十一張 數字

各別異現量我意和合為因元顛倒智是名正智如現比亦亦現量有三種一四和合生二三和合生三二和合生四和合生現量云何謂了相於至色味香觸數量別體合離彼體此體重體液體潤勢用地水火實取等業有性除聲和合有能无能聲性於俱分有能无能所有智我根意境四和合為因三和合生現量云何謂於聲及聲和合有能无能聲性有性境所有智我根意三和合為因二和合生現量云何謂於樂苦欲瞋勤勇境及彼有能无能俱分有性境所有智我意二和合為因比量謂所和合一義和合相違智為先待合等相屬念我意合為因樂苦待法非法四三二和合為因欲瞋待樂苦念邪智我意合為因勤勇待欲瞋我意合為因及命緣為因不欲故與入出息等業為因勢用以何為因攢擲生業勢用為因法非法欲瞋為先待聞念遠離法非法能成淨不淨密趣俱我意合為因念因行待現比智行我意合為因

聲有三種一合生二離生三聲生合
生者有觸實合勢用俱有觸實空處
合為因離生者有觸實離勢用俱有
觸實空處離為因聲生者有觸實合
離勢用待无障空處聲為因如是二
十四德幾依一實幾依非一實色味
香觸量彼體此體覺樂苦欲瞋勤勇
法非法行重體液體潤勢用聲此二
十一皆依一實合離依二實數或依
一實或依非一實何者依一實謂一
數何者依非一實謂二體等數如數
別體亦尔如是二十四德幾遍所依
幾不遍所依色味香觸數量別體彼
體此體液體潤重體勢用遍所依餘
不遍所依如是二十四德誰與誰相
違合離生聲能造餘聲一切聲果相
違法樂正智果相違非法苦邪智果
相違一切智行果相違老別智一切
智行果相違寂後聲一切因相違寂
後我德亦尔樂苦欲瞋果相違法非
法因相違欲瞋勤勇果相違樂苦因
相違中間所有聲亦尔我德勤勇苦
有觸實合二非果因相違行我德行

念因與苦非果因相違行念因果相
違作因有觸實合非果相違二性等
數與二等覺果不相違如二體等數
二別體等別體彼體此體亦尔色味
香觸地所有極微和合者與火合非
果因相違合離展轉非果因而相違
一實極微色等能造同類二微等色
同類果不相違寂後有分實色等果
與因色等同類不相違中間所有有
分實色等與同類果因色等不相違
一實色等展轉非果因不相違一切
德與實不相違如是二十四德幾有
實幾无實一切有實如有實无德无
動作非和合因緣是有德實之標幟
无質身无細分亦尔如是五業幾有
實幾無實一切有實如有實依一實
无質身无德无細分離合之因能作
所作事不積集實之標幟足攢擲等
所待行之因非同類為因亦尔如是
五業誰依何實取業以一切地水火
風意為所依如取業捨業行業亦尔
屈業以極舒緩細分安布老別果大
長實為所依如屈業申業亦尔如是

五業幾遍所依幾不遍所依一切遍
所依有說依附極微意者遍所依依
附二微等者不遍所依如是諸業若
在內者以身及彼因緣身所合鼻味
皮眼根并意為和合因緣此中身業
初者以欲為先我合勤勇為不和合
因緣第二等亦以行為不和合因緣
如身業在意及細分業亦尔鼻味皮
眼業初者以我合勤勇身合為不和
合因緣第二等亦以行為不和合因
緣如鼻等業在杵等仗及在屬身緣
纓絡塗香等業亦尔睡者身墮落業
初者以重性為不和合因緣第二等
以重體行為不和合因緣睡者入出
息業或睡者不欲故初者以命緣為
先勤勇我合為不和合因緣第二等
亦以行為不和合因緣如下流水初
者以液體為不和合因緣第二等以
液體行為不和合因緣火之上燃風
之傍扇初者以法非法我合為不和
合因緣第二等如前說四大極微造
身因緣初業以法非法我合為不和
合因緣第二等如前說如為造身為

勝宗十句義論一卷 第七十五張 卷字號

造樹等變異及在二微等業亦介意趣向及棄背業初者以法非法我合為不和合因緣第二等如前說地足業表衆生利益不利益異熟初者以法非法我合為不和合因緣第二等如前說在地水火擲打相應業以合重體液體勤勇勢用為不和合因緣如其所應有取等業若在大除重體若在風除液體若在意除打擲

如是有性為是所作為非所作定非所作如非所作常无德无動作無細分亦亦有實德業除同有能无能俱分異所和合一有同詮緣因

別有異於實轉依一實遮餘覺因表此覺因空方時轉空等想因常非所作無德无動作無細分除有性能无能俱分異所和合非一和合是一常非所作无細分无質身一切實德業同異有能无能俱分生至因詮緣相如是有能為是所作為非所作定非所作如非所作常无德无動作无細分无質身亦亦於實德業上各別除同有能无能俱分異所和合非同詮

勝宗十句義論一卷 第七十五張 卷字號

緣相是謂有能亦俱分實性遍實句義所和合一无質身无細分無動作无德常非所作諸實展轉共即此與德業異德性業性地等性亦亦如是五種无說句義幾常幾无常未生无是無常與實德業生相違故已減無更平无畢竟无皆是常不違實等故不會无有常有无常去何常如地等實餘德不和合若實性等同異及有能无能異除自所依於餘處不和合若有性於同等不和合去何無常謂實與實雖未相應當必相應此於彼无若於實所有實德業當必和合彼於此无如是五無幾是現量境幾非現量境一切非現量境亦不依他轉皆比量境此十句義幾是所知幾非所知一切是所知亦即此詮因

勝宗十句義論一卷

勝宗十句義論一卷

校勘記

- 一 底本，金藏廣勝寺本。
- 一 四四五頁中一行及卷末經名「一卷」，南、徑、清無。
- 一 四四五頁中三行「三藏」，徑、清作「唐三藏」。
- 一 四四五頁中五行第一二字「能」，資、磧、普、南、徑、清作「有能」。
- 一 四四五頁下一四行「短體」，資、磧、普、南、徑、清作「微體」。同行第七字及末字「長」，資、磧、普、南、徑、清作「大」。
- 一 四四六頁上七行「二動」，諸本作「二種」。
- 一 四四六頁上二一行第一一字「合」，諸本作「念」。
- 一 四四六頁中一行第七字「違」，磧作「是」。
- 一 四四六頁中九行第二字「策」，磧作「第」。

- 一 四四六頁中一六行「攢擲」，**碩**、**普**、**南**、**徑**、**清**作「攢擲」。下同。
- 一 四四六頁下一一行第六字「離」，**資**、**碩**、**普**、**南**、**徑**、**清**作「合」。
- 一 四四七頁上八行首字「說」，諸本作「詮」。
- 一 四四七頁上一四行首字「无」，**碩**、**南**作「所」。
- 一 四四八頁中二二行第六字「緣」，諸本作「暗」。
- 一 四四八頁下一五行末字「念」，**資**、**碩**、**普**、**南**、**徑**、**清**作「合」。
- 一 四四八頁下一七行第二字「合」，**資**、**碩**、**普**、**南**、**徑**、**清**作「念」。末行第一二字**資**、**碩**、**普**、**徑**、**清**同。
- 一 四四九頁上五行第四字「待」，**碩**、**南**、**徑**、**清**作「得」。
- 一 四四九頁中五行第一二字「火」，**資**、**碩**、**普**、**南**、**徑**、**清**作「大」。
- 一 四四九頁中一八行第一一字「足」，**麗**作「是」。
- 一 四四九頁下一一行「在杵等仗」，

- 一 **南**、**徑**、**清**作「在香等狀」。
- 一 四五〇頁上二行第五字「背」，**碩**、**徑**、**清**作「皆」。
- 一 四五〇頁上一六行第一三字「能」，諸本作「有能」。
- 一 四五〇頁上一九行第一一字「因」，**麗**作「因同」。
- 一 四五〇頁上二二行「亦尔」，**資**、**碩**、**普**、**南**、**徑**、**清**作「亦合」。
- 一 四五〇頁中一行「有能」，諸本作「有能無能」。